

BOSNA I HERCEGOVINA
FEDERACIJA BOSNE I HERCEGOVINE
HERCEGOVAČKO-NERETVANSKI KANTON
OPĆINSKI SUD U KONJICU
Broj:56 0 Su 079009 23 Su
Konjic, 13.06.2023.godine

Na osnovu člana 31. Zakona o sudovima u Federaciji BiH („Službene novine Federacije BiH“, broj:38/05, 22/06, 63/10, 72/10, 7/13 i 52/14), člana 8.stav 5. Zakona o platama i drugim naknadama sudija i tužilaca u Federaciji BiH („Službene novine F BiH“, broj: 72/05, 22/09 i 55/13), člana 48.Zakona o državnoj službi u FBiH („Službene novine F BiH“, broj 29/03, 23/04, 39/04, 54/04, 67/05, 8/06 i 4/12), člana 49. Zakona o namještenicima u organima državne službe u FBiH („Službene novine, broj:49/05) i člana 23. Pravilnika o unutrašnjoj organizaciji i sistematizaciji radnih mjesta Općinskog suda u Konjicu, predsjednica Suda donosi,

ODLUKU
o korištenju godišnjeg odmora za 2023. godinu

I

Sudije, stručni saradnici, državni službenici i namještenici zaposleni u Općinskom sudu u Konjicu prvi dio godišnjeg odmora za 2023. godinu u trajanju od 20 radnih dana , koristit će u periodu od 01.07.2023. do 31.08.2023. godine, prema Planu korištenja godišnjeg odmora za 2023. godinu, a preostali dio prema potrebama zaposlenika usklađenim sa neometanim obavljanjem poslova u Sudu, najkasnije do 30.06.2024. godine.

II

Za vrijeme trajanja godišnjeg odmora dežurne sudije će obavljati sve poslove hitne prirode (Kpp-pritvor, naredbe za pretres, oduzimanje predmeta, hitni prekršajni predmeti, nadovjeru isprava za upotrebu u inostranstvu Apostille pečatom i sl.).

Svaki sudija mora biti na raspolaganju za slučaj potrebe formiranja vanraspravnog krivičnog vijeća radi donošenja hitnih odluka, izuzev spriječenosti iz opravdanih razloga.

III

Namještenici pisarnice, prekršajnog odjeljenja, i zemljišno-knjižnog ureda, će međusobno i sa sekretarom Suda, dogovoriti način korištenja godišnjeg odmora, tako da se osigura svakodnevna prisutnost u Sudu minimalno jednog namještenika.

IV

Za vrijeme trajanja godišnjeg odmora pripravnici-volonteri svoju praksu i rad će obavljati u skladu sa iskazanim potrebama i u dogovoru sa sudijama, kod kojih su raspoređeni da obavljaju praksu i predsjednicom suda.

V

Sastavni dio ove odluke je Plan korištenja godišnjeg odmora za 2023. godinu, sa utvrđenim terminima korištenja godišnjeg odmora za svakog zaposlenika.

VI

Za sve sudije, stručne saradnike, službenike i namještenike, donijet će se pojedinačna rješenja o korištenju godišnjeg odmora.

VII

Ova Odluka stupa na snagu danom donošenja, a ista će se objaviti na web stranici i oglasnoj tabli Suda, i dostaviti Ministarstvu pravosuđa uprave i lokalne samouprave Hercegovačko-neretvanskog kantona, Kantonalnom sudu u Mostaru, Kantonalnom tužilaštvu Hercegovačko-neretvanskog kantona u Mostaru i Područnom Tužilaštvu u Konjicu.



Predsjednica suda
Almina Čilić